

<p>საგანმანათლებლო დაწესებულების დასახელება</p>	<p>ბათუმის შოთა რუსთაველის სახელმწიფო უნივერსიტეტი მისამართი: 6010, ქ. ბათუმი ნინოშვილის ქ., №35 ტელ/ფაქსი: (+995 222) 27 17 87 ელ. ფოსტა: info@bsu.edu.ge</p>
<p>საგანმანათლებლო პროგრამის დასახელება</p>	<p>თურქული ფილოლოგია</p>
<p>მისანიჭებელი კვალიფიკაცია</p>	<p>ჰუმანიტარულ მეცნიერებათა ბაკალავრი ფილოლოგიაში</p>
<p>პროგრამის მოცულობა კრედიტებში</p>	<p>240 კრედიტი: ძირითადი სასწავლო კურსები - 160 კრედიტი, დამატებით სპეციალობა - 60 კრედიტი, თავისუფალი კომპონენტი და არჩევითი სასწავლო კურსები - 20 კრედიტი.</p>
<p>საგანმანათლებლო პროგრამის მიზანი</p>	<p>დღევანდელ მსოფლიოში დღითიდღე მატულობს პოლიტიკური, ეკონომიკური და კულტურული ინტერესი აღმოსავლეთის ქვეყნების მიმართ, რასაც განაპირობებს ამ ქვეყნების მზარდი პოტენციალი და როლი გლობალური პრობლემების გადაწყვეტაში. დღეს თურქოლოგიური კვლევითი და სასწავლო ცენტრები იხსნება დასავლეთის იმ ქვეყნებსა და უნივერსიტეტებში, სადაც აქამდე ასეთი ინტერესი არ არსებობდა. დღევანდელმა საქართველო-თურქეთის სოციალურ-ეკონომიკურმა ურთიერთობებმა, საქართველოში არსებულმა თურქულმა ინვესტიციებმა გამოიწვია თურქულის სპეციალისტებზე მოთხოვნილების ზრდა.</p> <p>ბათუმის შოთა რუსთაველის სახელმწიფო უნივერსიტეტში თურქული ფილოლოგიის საგანმანათლებლო პროგრამა მოქმედებს 1994 წლიდან. საბაკალავრო პროგრამა ამზადებს თურქული ენისა და ლიტერატურის მაღალკვალიფიციურ სპეციალისტებს პროფესიული საქმიანობისათვის, რაც ეფუძნება ზოგადჰუმანიტარული და ზოგადფილოლოგიური ცოდნის შექმნას.</p> <p>საგანმანათლებლო პროგრამის მიზანია სტუდენტს მისცეს თურქული ენისა და ლიტერატურის ფართო ცოდნა, რომელიც ემყარება შესაბამისი დონის სახელმძღვანელოებს და მოიცავს სფეროს მოწინავე ასპექტებს.</p> <p>სპეციალისტად ჩამოყალიბებასთან ერთად პროგრამა ითვალისწინებს მაღალი მოქალაქეობრივი შეგნებისა და აქტივობის, ჰუმანიზმის, დემოკრატიის, ლიბერალური ღირებულების პრინციპების მატარებელი თავისუფალი პიროვნების ჩამოყალიბებას.</p>
<p>სწავლის შედეგები (ზოგადი და დარგობრივი კომპეტენციები)</p>	<p>აქვს თურქული ფილოლოგიის (თურქული ენისა და ლიტერატურის) ფართო ცოდნა. ფლობს თურქულ ენას B.2.1 დონეზე. აქვს მთარგმნელობითი საქმიანობის საფუძვლების ზოგადი ცოდნა.</p> <p>აცნობიერებს თურქული ფილოლოგიის კომპლექსურ საკითხებს. შეუძლია თურქული აუდიო-ვიდეო მასალის აღქმა და გააზრება; თურქულად საუბარი, კითხვა, წერა; თარგმანის შესრულება ქართულიდან თურქულად და პირიქით; შეუძლია საკუთარი აზრის ლოგიკური და თანმიმდევრული</p>

	<p>გადმოცემა თურქულ ენაზე როგორც ზეპირ, ისე წერით მეტყველებაში; შეუძლია თურქულ ენასა და ლიტერატურაში, ზოგადად, ორიენტალისტიკასა (არაბული და ოსმალური ენები, თურქეთის ისტორია) და ფილოლოგიაში მიღებული ცოდნის ინტეგრირება პრაქტიკაში;</p> <p>შეუძლია თურქულენოვანი ტექსტების, მხატვრული ლიტერატურის, სამეცნიერო ლიტერატურის გამოყენება; თურქული ენობრივი მასალისა და მხატვრული ტექსტების მოძიება, შეგროვება და განმარტება, ასევე, მათი ანალიზის დროს პროფესიული მიდგომის გამოვლენა და დასაბუთებული დასკვნების ჩამოყალიბება;</p> <p>აქვს ენათმეცნიერებისა და ლიტერატურათმცოდნეობის სამეცნიერო-ტერმინოლოგიური აპარატით ოპერირებისა და დასაბუთებული დასკვნების ჩამოყალიბების უნარი. ჩამოყალიბებული აქვს სოციალური უნარები: შეუძლია ჯგუფში ეფექტური მუშაობა როგორც წევრის, ასევე ლიდერის როლში; შეუძლია ამოცანების მკაფიო ფორმულირება და ჯგუფის წევრთა შესაძლებლობების ადეკვატური გამოყენება; აზრის ნათლად ჩამოყალიბება, არგუმენტების შემუშავებისა და მათი დაცვის გზით;</p> <p>აქვს ლინგვისტური უნარები: შეუძლია აკადემიურ და პროფესიულ საზოგადოებაში დამაჯერებელი, მკაფიო, დამოუკიდებელი და კომპეტენტური კომუნიკაცია:</p> <p>ა) ზეპირი და წერილობითი კომუნიკაცია როგორც მშობლიურ, ისე თურქულ ენაზე;</p> <p>ბ) ფლობს ერთ-ერთ ევროპულ ენას დადგენილი საუნივერსიტეტო სტანდარტის ფარგლებში.</p> <p>აქვს ტექნოლოგიური უნარები: დარგთან მიმართებაში თავისუფლად იყენებს თანამედროვე საინფორმაციო და საკომუნიკაციო ტექნოლოგიებს. შეუძლია სწავლა გააგრძელოს მაგისტრატურაში თურქული ენისა და ლიტერატურის განხრით, თარგმანმცოდნეობის, ლინგვისტიკის და ლიტერატურათმცოდნეობის მიმართულებით.</p> <p>მონაწილეობს სამოქალაქო ცნობიერების, ტოლერანტობის, ინტერნაციონალური და ინტერკულტურული ღირებულებების ფორმირების პროცესში და ისწრაფვის მათ დასამკვიდრებლად.</p>
<p>შეფასების წესი</p>	<p>სტუდენტის შეფასება ხდება შემდეგი სახით:</p> <p>ა) (A) ფრიადი - 91 ქულა და მეტი; ბ) (B) ძალიან კარგი - 81-90 ქულა; გ) (C) კარგი - 71-80 ქულა; დ) (D) დამაკმაყოფილებელი - 61-70 ქულა; ე) (E) საკმარისი - 51-60 ქულა.</p> <p>(FX) ვერ ჩააბარა - 41-50 ქულის მიღების შემთხვევაში სტუდენტს უფლება ეძლევა დამატებით გამოცდაზე ერთხელ კიდევ გავიდეს. (F) ჩაიჭრა - 40 ქულის ან ნაკლების მიღებისას სტუდენტს საგანი ახლიდან აქვს შესასწავლი.</p>
<p>საკონტაქტო პირი</p>	<p>პროგრამის ხელმძღვანელი ასოც.პროფესორი ლილე თანდილავა ტ. 593348990</p>